

Mahu tersenarai lima negeri terbaik

Hasrat Almarhum Tunku Annuar dalam sektor pendidikan Kedah

■ NURUL FATIAH SULAINI

ALOR SETAR - Almarhum Pengerusi Jemaah Pemangku Sultan Kedah, Tunku Bendahara Kedah, Tan Sri Tunku Annuar Sultan Badlishah prihatin terhadap bidang pendidikan apabila sering melahirkan hasrat mahu melihat negeri itu tersenarai dalam kelompok lima negeri terbaik dalam sektor pendidikan di negara ini.

Bekas Pengarah Pendidikan Kedah, Datuk Mansor Lat berkata, keprihatinan itu sering ditunjukkan apabila Almarhum bersama isterinya, Toh Puan Bendahara Kedah Puan Sri Nor Suzana Abdullah kerap menghadiri dan merasmikan majlis hari sambutan guru peringkat negeri serta hari anugerah kecemerlangan di beberapa sekolah.

Menurutnya, walaupun kehadiran Almarhum merasmikan majlis penting peringkat



Tunku Annuar (kanan) melihat buku terbitan baru Jabatan Pendidikan Negeri (JPN) sambil diperhatikan Mansor Lat (tengah) serta Bekas Exco Pelajaran Datuk Mohamed Taulan Mat Rasul (kiri) pada Sambutan Hari Guru Peringkat Kedah dua tahun lalu di Kolej Universiti Insaniah (Kuin).

jabatan bagi menyempurnakan amanat sebagai Pengerusi Jemaah menggantikan Sultan Kedah, Tunku Abdul Halim Muadzam Shah namun ter-

selah komitmen yang jitu terhadap program pendidikan di negeri itu.

“Almarhum sering menyelitkan pesanan supaya se-

ketika ucapan disampaikan.

“Sepanjang berpeluang mengiringi Almarhum menghadiri program pendidikan, saya boleh lihat keungguhan dan sikap mengambill berat yang ditunjukkan apabila sering meninggalkan pelbagai pesanan bergema untuk dipraktikkan bagi meningkatkan kecemerlangan bidang pendidikan,” katanya semalam.

Mansor berkata, beliau turut terkejut menerima berita kemangkatan Almarhum kerana kenangan ketika bersama beliau masih segar di ingatan.

“Selain daripada sering berjumpa dalam majlis rasmi jabatan, kenangan paling manis apabila Almarhum sendiri yang menyematkan pingat darjah kebesaran yang membawa kepada gelaran Datuk sempena Hari Keputeraan Sultan Kedah awal tahun lalu,” katanya.

Memetik ucapan

Almarhum ketika merasmikan Sambutan Hari Guru Peringkat Kedah dua tahun lalu di Kolej Universiti Insaniah (Kuin), meminta supaya golongan guru menggunakan kaedah pengajaran serta pembelajaran yang sesuai mengikut perkembangan masa untuk memudahkan mereka mengenali keperluan pelajar.

Menurutnya, kesediaan guru menguasai dunia teknologi maklumat serta mengaplikasikan kaedah berkenaan dalam kelas merupakan satu alternatif pembelajaran maya yang lebih dekat dengan jiwa pelajar untuk menarik minat mereka ke sekolah.

Katanya, guru perlu lebih memahami cara pengajaran zaman dahulu sangat berbeza dengan zaman sekarang dan perlu sentiasa bersedia menghadapi segala cabaran sepanjang mendidik pelajar menjadi insan berguna.